

¡BOMBA!

Dicen que no exija tunas ante riesgos ambientales; pero aun en tribunales, ¡hay que defender las dunas!



K'untzil

Miércoles 29 de julio de 2026

CAMPECHE · YUCATÁN · QUINTANA ROO · AÑO 12 · NÚMERO 2777 · www.lajornadamaya.mx

Péeknaj lu'um tu noojolil Japón yéetel u muuk'il 7.1; yaan máako'ob saatal úuchik u níikil jump'éeel kúuchil koonol

Le martes máanika', tu títubáaj lu'um yéetel u muuk'il 7.1 tu noj petenil Kyushu, Japón, tu kaajil, ka'aj tu beetaj u níikil jump'éeel noj kúuchil koonol. Yóok'olal le je'elo', ya'abach máak sa'atij yéetel ti' uláak'o'obe' j-úuch loob, beey a'alab tumen u meyajnáalilo'ob jala'ach. Le beetik xan te'el súutuko', yanchaj u k'aytal u sajbe'entsil u yantal tsunami.

U ka' t'oolil u kúuchil koonol Aeon Mall tu kaajil Kashima Town, níikij ka tu k'alaj ya'abach máaki'.

Ma' ojéela'an jaytúuli'. Kex ichil 20 tak 30 ajmeyaj máako'ob saatal, ts'o'oke' ya'abach uláak'o'obe' yanchaj u jóok'sa'alo'ob ka'aj biinsa'abo'ob tu najil ts'ak yaj, beey úuchik u ya'alal tumen u kúuchil péektsilo'ob Kyodo.

Kaaj tu'ux maas jach úuch loobe', ti' yaan kex 900 kms tu noojol-lak'inil Tokio. K'aytajil beeta'ab yóok'olal u sajbe'entsil tsunamie', beeta'ab ti'al u k'áak'náabilo'ob Ariake yéetel Yatsushiro tu chik'in jáal jáilo'ob Kumamoto, yéetel uláak' u méek'tankaajilo'ob naats'

yaan, ba'ale' tu jo'olaj ka'apéel horae' k'ayta'abe' ts'o'ok u máan le sajbe'entsilo', beey a'alab tumen Agencia Meteorológica de Japón.

Yáax ministra Sanae Takaichi tu ya'alaj ti' periodistase', yaan bin u reportesil bejo'ob k'aschaji, beyxan puentes yéetel uláak' kúuchilo'ob, je'el bix xan tu'ux mina'an saasil yéetel tu'ux joopol k'áak', kex tumen te'el súutuko', ma' saasil yanik jach bix yanik ba'al.

Agencia de Gestión de Incendios y Desastres tu ya'alaje' mina'an

reportes bin beeta'an ti' u noj instalacionesil kaaj beyxan ti' le kúuchilo'obo'. Autoridad de Regulación Nuclear tu ya'alaje' ma' xan kaxta'ab wa ila'ab yaan ba'al jela'an ti' u yóoxpéel central nuclear naats' te'elo'.

Kyodo tu ya'alaje', ti' jump'éeel u najil ts'akyaj yaan tu kaajil Yatsushiro, k'ama'ab kex 40 máak ucha'an loob ti'ob, yéetel uláak' kex 50 yanchaj u bisa'al ti' uláak' kúuchil yaan tu noj kaajil Kumamoto.

Ts'íib yéetel oochel: AP / P 26

